

Ո Ր Ո Շ ՈՒ Մ

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

01.03.2019թ.

17-2-915
04.03.2019թ.



ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Վարդան Մարտիրոսյանի դիմումի շուրջ ստեղծված նյութերը,

Պ Ա Ր Զ Ե Ց Ի

2019թ. փետրվարի 11-ին Երևան քաղաքի Մոլլովական փող. 50/22. 35բն. բնակիչ Վարդան Մարտիրոսյանը դիմումով հայտնել է, որ ստացել է վարչական տույժ նշանակելու մասին ԱԴ թիվ 792020 որոշումը, որի հետ համաձայն չէ:

Դիմումի ուսումնասիրությամբ պարզվել է, որ 05.02.2019թ. ժամը 11:25-ի սահմաններում Երևան քաղաքի Աբովյան պուրակում քաղ.Վարդան Մարտիրոսյանի կողմից վարած «BMW-740» մակնիշի 72 MV 002 հաշվառման համարանիշի ավտոմոբիլը կանգնեցվել է Ճանապարհային ոստիկանության ուղեկցող սպայական վաշտի 3-րդ սպայական դասակի ավագ տեսուչ, ոստիկանության ավագ լեյտենանտ Ա.Մարտիրոսյանի և նույն դասակի տեսուչ, ոստիկանության կապիտան Մ.Ավետիսյանի կողմից՝ ճեղքի խախտման համար, այն է՝ վարորդն ավտոմոբիլը վարել է առջևի հողմապակու լուսաթափանցելիության սահմանված չափի խախտմամբ: Վարորդի նկատմամբ կազմվել է վարչական իրավախախտման վերաբերյալ արձանագրություն և, ՀՀ ՎԻՎ օրենսգրքի 123-րդ հոդվածի 4-րդ մասի, կայացվել է ԱԴ թիվ 792020 որոշումը՝ վերջինիս 30.000 դրամ տուգանելու մասին:

Դիմումում նշված հանգամանքների շուրջ պարզաբանումներ տալու նպատակով՝ քաղ.Վարդան Մարտիրոսյանը ծանուցագրի միջոցով սույն թվականի փետրվարի 22-ին հրավիրվել է Ճանապարհային ոստիկանության ՃՊԾ բաժին, սակայն չի ներկայացել:

Ըստ ծառայողների գրավոր բացատրությունների՝ Երևան քաղաքի Աբովյան պուրակում կանգնեցրել են «BMW-740» մակնիշի 72 MV 002 հաշվառման համարանիշի ավտոմոբիլը առջևի հողմապակու լուսաթափանցելիության չափը ստուգելու համար: Սահմանված կարգով կանգնեցնելուց հետո ավագ տեսուչ Ա.Մարտիրոսյանը մոտեցել է վարորդին, ներկայացել, հայտնել է կանգնեցման պատճառը և պահանջել փաստաթղթերը: Ավագ տեսուչ Ա.Մարտիրոսյանի կողմից «PRO-100» սարքով ստուգելուց հետո պարզվել է, որ դիմապակու լուսաթափանցելիության չափը կազմում է 0.38%: Քաղ.Վարդան Մարտիրոսյանին պարզաբանվել է, որ իր նկատմամբ կազմվելու է վարչական իրավախախտման վերաբերյալ

արձանագրություն: Ավագ տեսուչ Ա.Մարտիրոսյանը վարորդի փաստաթղթերը ստուգելուց հետո կազմել է վարչական իրավախախտման վերաբերյալ արձանագրություն, որից հետո նա ծանոթացել է կազմված արձանագրության բովանդակությանը, հրաժարվել է բացատրություն տալուց, այնուհետև որոշումը կայացնելուց հետո ստորագրել և ստացել է որոշման իր օրինակն ու փաստաթղթերը:

Վարչական իրավախախտումների վերաբերյալ ՀՀ օրենսգրքի 123-րդ հոդվածի 4-րդ մասի համաձայն՝ ապակիների լուսաթափանցելիության չափի խախտմամբ կամ առջևի հողմապակին թաղանթապատված վիճակում կամ կարգի խախտմամբ վարագորապատված տրանսպորտային միջոցները վարելն առաջացնում է տուգանքի նշանակում՝ սահմանված նվազագույն աշխատավարձի երեսնապատիկի չափով: Նույն հոդվածի 6-րդ մասի համաձայն՝ սույն հոդվածի 1-ին կամ 4-րդ մասերով նախատեսված իրավախախտում հայտնաբերելու դեպքում լիազորված մարմինը (պաշտոնատար անձը) այդ իրավախախտումը կատարած անձին իրազեկում է իրավախախտման հատկանիշները վերացնելու դեպքում վարչական պատասխանատվության չենթարկվելու հնարավորության մասին: Անձը վարչական պատասխանատվության չի ենթարկվում, եթե իրազեկումից անմիջապես հետո սկսում է իրականացնել վարչական իրավախախտման հատկանիշներն անմիջականորեն վերացնելուն ուղղված գործողություններ: Այդ դեպքում լիազորված մարմինը (պաշտոնատար անձը) վարչական իրավախախտման վերաբերյալ արձանագրություն չի կազմում:

Նույն հոդվածի 7-րդ մասի համաձայն՝ եթե, սույն հոդվածի 6-րդ մասին համապատասխան, վարչական իրավախախտումը հայտնաբերելուց անմիջապես հետո այդ իրավախախտման հատկանիշները վերացնել հնարավոր չէ, ապա լիազորված մարմինը (պաշտոնատար անձը) կազմում է վարչական իրավախախտման վերաբերյալ արձանագրություն և կայացնում վարչական պատասխանատվության ենթարկվելու մասին որոշում:

Նույն հոդվածի 8-րդ մասի համաձայն՝ եթե սույն հոդվածի 7-րդ մասում նշված դեպքում վարչական իրավախախտում կատարած անձը լիազորված մարմնի (պաշտոնատար անձի) կողմից իրավախախտումը հայտնաբերելու պահից 24 ժամվա ընթացքում վերացնում է իրավախախտման հատկանիշները, ապա նա ազատվում է նշանակված տույժը կատարելու պարտականությունից, եթե այդ մասին նույն ժամանակահատվածում լիազորված մարմնին (պաշտոնատար անձին) ներկայացնում է համապատասխան ապացույց: Այդ մասին կազմվում է համապատասխան արձանագրություն, որի պատճենը տրվում է իրավախախտումը կատարած անձին:

«Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի համաձայն՝ Ճանապարհային երթևեկությունը կարգավորող ոստիկանության ծառայողը պարտավոր է սահմանված կարգով կանգնեցնել տրանսպորտային միջոցը, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները, իսկ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է

առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Վարդան Մարտիրոսյանի արարքում առկա է Վարչական իրավախախտումների վերաբերյալ ՀՀ օրենսգրքի 123-րդ հոդվածի 4-րդ մասով նախատեսված իրավախախտման զանցակազմը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Վարդան Մարտիրոսյանի դիմումը թողնել առանց բավարարման, իսկ Ճանապարհային ոստիկանության ուղեկցող սպայական վաշտի 3-րդ սպայական դասակի ավագ տեսուչ, ոստիկանության ավագ լեյտենանտ Ա.Մարտիրոսյանի կազմած վարչական իրավախախտման արձանագրության հիման վրա 2019թ. փետրվարի 5-ին կայացրած ԱԴ թիվ 792020 որոշումը՝ Վարդան Մարտիրոսյանին երեսուն հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել Ճանապարհային ոստիկանության վարչական գործունեության բաժանմունք և դիմումատուին:

3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե.Կարապետյան